

# სპეტი ნათლისა

გაზეთი ეძღვნება ქრისტინე ხარშილაძის სახელობის საჩხერის მუნიციპალიტეტის სოფელ კორბოულის №1 საჯარო სკოლის დაარსებიდან 150 და ქრისტინე ხარშილაძის დაბადებიდან 100 წლისთვის იუბილეს  
გაზეთი გამოვიდა 28.11.2022



ქრისტინე ხარშილაძის სახელობის საჩხერის მუნიციპალიტეტის სოფელ კორბოულის №1 საჯარო სკოლა



ქრისტინე ხარშილაძე

## გვიდოცავენ



წლებანდელი წელი საიუბილეოა კორბოულის პირველი საჯარო სკოლისათვის, რომელიც ერთერთი უძველესია იმერეთის რეგიონში. მისი დაარსებიდან 150, ხოლო ამავე სკოლის ყოფილი პედაგოგის ქრისტინე ხარშილაძის დაბადებიდან 100 წლისთავი გავიდა. მასწავლებლის ღვაწლი ფასდაუდებელია მომავალი თაობის აღზრდა-განვითარებაში.

ვულოცავ სკოლის პედაგოგებსა და მოსწავლეებს ამ საზეიმო დღეს! ვარ და ყოველთვის ვიქნები თქვენი ღვაწლის დამფასებელი!

**პაატა კვიციანიძე, საჩხერის, ჭიათურისა და ხარაგაულის მაჟორიტარი დეპუტატი**



ზემო იმერეთში ერთ-ერთ უძველეს კორბოულის 1 საჯარო სკოლას სულითა და გულით ვულოცავ დაარსებიდან 150 წლისთავის საიუბილეო თარიღს. ორმაგად სასიხარულოა, რომ ეს თარიღი ემთხვევა ქრისტინე ხარშილაძის დაბადებიდან 100 წლისთავს, რომლის სახელსაც სრულად დამსახურებულად ატარებს სკოლა. მემამყება, რომ ვიყავი საკრებულოს იმ კომისიის თავმჯდომარე, რომელმაც სკოლის სახელდების თაობაზე მიიღო გადაწყვეტილება რომლის საფუძველზეც შესაბამისი რეაგირება მოახდინა საქართველოს განათლებისა და მეცნიერების სამინისტრომ.

უდიდესია სკოლის ღვაწლი მუნიციპალიტეტის განათლების სფეროს განვითარებაში, რისთვისაც უღრმეს მადლობას იმსახურებს სწავლა-აღზრდის ამ შესანიშნავი კერის დირექცია, პედაგოგები და მოსწავლეები.

კვლავაც წინსვლას გისურვებთ კორბოულის პირველსკოლებო!

**ლევან ივანაშვილი, საჩხერის მუნიციპალიტეტის მერი**



კორბოული ყოველთვის იდგა ჩვენი მუნიციპალიტეტის ავანგარდში არამარტო სოციალურ-ეკონომიკური განვითარების, არამედ მზარდი ზნეობრივ-ინტელექტუალური პოტენციალის გამოყენების მხრივ.

ასეთი პიროვნებების, რომელთაც თავისი აზროვნების კვალი დააჩნის ქვეყნის სახალხო მეურნეობის ყველა სფეროს, აღზრდის სამჭედლო კი იუბილერი სკოლაა. ამ მიღწევებში, ყველა დროის დირექციის ხელმძღვანელებთან და პედაგოგებთან ერთად, ღირსეული

წვლილი მიუძღვის შესანიშნავ მასწავლებლებს, ქრისტინე ხარშილაძეს. ამიტომაც მინიჭებს საკოლას მისი სახელი.

ვულოცავ სკოლის პედაგოგებსა და მოსწავლეებს ორივე მნიშვნელოვან თარიღს და შემდგომ წარმატებებს ვუსურვებთ მომავალი თაობების აღზრდაში!

**გაგა დარბაიძე, საჩხერის მუნიციპალიტეტის საკრებულოს თავმჯდომარე**



საუკუნენახევარია, იწვის და ანათებს კორბოულის მოსახლეობის სიყვარულითა და პატივისცემით გამოთბარი პირველი საჯარო სკოლა, ხოლო მისი სახელდების მქონე ბრწყინვალე პედაგოგმა ქრისტინე ხარშილაძემ 100 წელი მიითვალა. მას იმხელა დამსახურება აქვს სკოლისა და მთელი ქვეყნის წინაშე, რომ წარსულ დროში მოხსენიებას ვერავინ აკადრებს.

ვუყურებ სწავლა-აღზრდის ამ წმინდა ტაძარს და კინო-კადრებით გადაიან ჩემს თვალწინ მისი საქმენი საგმირონი.

პირველ რიგში სკოლის ბინადრებს, მერე კი კორბოულის მთელს მოსახლეობას ვულოცავ ამ მართლაც გამორჩეულად ლამაზ საზეიმო დღეს და მზად ვარ, შევასრულო ვალდებულება – ვიყო მათი შემწე და თანამდგომი ჩვენი სოფლის სიკეთისა და სიდიადის უფრო თვალსაჩინოდ წარმოჩენაში.

**ვახტანგ კაპანაძე, საჩხერის მუნიციპალიტეტის მერის წარმომადგენელი კორბოულის ადმინისტრაციულ ერთეულში**



150 წლის გამხდარა ჩემი და მრავალ სხვათა თაობის დამფრთიანებელი, აღმზრდელი, ცხოვრების გზის გამნათებელი სკოლა, რომელსაც მარადიული სინათლით ასხივოსნებს საუკუნის ქალბატონის, ქრისტინე მასწავლებლის სახელი! ეს ის კერაა, სადაც გაიარა ჩემმა ბავშვობამ და ყრმობამ. მიხარია, რომ უკვე სოლიდურ ასაკში შესულს იგი კვლავ ჭაბუკური ღმილით მეგებება, მლოცავს და კვლავ მასწავლის, როგორ უნდა ვემსახურო მშობლიურ სოფელს და მის მოსახლეობას.

სხვა უფრო დიდი მიზანი არც გამაჩნია ჩემი არსებობის და ვეცდები, ყოველთვის პირნათელი ვიყო შენს წინაშე, მშობლიურ სკოლავ.

**დავით მაჭარაშვილი, საჩხერის მუნიციპალიტეტის საკრებულოს წევრი**



მადლობა ოცი წელი გავიდა მას შემდეგ, რაც სკოლის დაარსებიდან 130 წლის იუბილე გადავიხადეთ. დღეს დიადი სინათლის ოცი წლით გაზრდილს დაბადების 150-ე წლის ზეიმი აქვს! თუ გავითვალისწინებთ სკოლის ფასდაუდებელ დამსახურებას, რაც არაერთხელ აღნიშნულა უმაღლეს დონეზე, ეს დღე ჭეშმარიტად სახალხო დღესასწაულია! რომ არა საზოგადოებრივი თანადგომა, ნამდვილად გაგვიჭირდებოდა დღესასწაულის ორგანიზება.

უღრმესი მადლობა საჩხერის მუნიციპალიტეტის თვითმმართველობას, მუნიციპალიტეტის სასწავლო-სააღმზრდელო და კულტურულ-საგანმანათლებლო დაწესებულებებს, სკოლის პედაგოგიურ, მოსწავლეთა, ტექნიკურ პერსონალს, კორბოულის მოსახლეობას, ბიზნესმენებს მორალური და მატერიალური თანადგომისათვის!

40 წელია, რაც ამ სკოლის პედაგოგი ვარ. აქედან 33 წელი – მისი ხელმძღვან-



## ფასაუფაზი ღვინი

სოფელ კორბოულის მკვიდრთა, მისი ინტელიგენციისა და მშრომელთათვის უზომოდ საამაყო ის ფაქტი, რომ ყოფილ შორაპნის მახრამში, რომელიც მოიცავდა დღევანდელი საჩხერის, ჭიათურის, ზესტაფონის, ხარაგაულისა და თერჯოლის მუნიციპალიტეტების ტერიტორიებს, პირველად (!) სახელმწიფო დაქვემდებარების ერთკლასიანი სასოფლო დანყებითი სკოლა გაიხსნა სწორედ კორბოულში 1872 წელს. იგი ქუთაისის გუბერნიის მასშტაბითაც კი, ერთ-ერთი პირველი სასწავლებელი იყო.

1873 წელს კორბოულის ერთკლასიანი სასოფლო დანყებითი სკოლაში მასწავლებლად დაინიშნა ქუთაისის 4-კლასიანი სასულიერო სასწავლებლის კურსდამთავრებული ილარიონ მაჭარაშვილი. 1878 წ. იმერეთის ეპისკოპოსმა, მისმა უწმინდესობამ გაბრიელ ქიქოძემ დაათვალა სასწავლებელი სოფ. კორბოულში, სადაც მათმა მეუფებამ ღამე გაათია. მეორე დღეს გამოცადა მონაფეხები და დარჩა კმაყოფილი. მონაფეხები დააჯილდოვა საჩუქრით, ათი თუმანი (100 მ.) ფულით, რომლითაც მათ შეუძინეს საცვლები და ამ სახედ დიდად წახალისდნენ მონაფეხები სწავლით, ხოლო მასწავლებელი ილარიონ მაჭარაშვილი – მთავარი დიაკვნობის ხარისხის კურთხევით.

მომდევნო წლებში კორბოულის სკოლაში უარდესად აქტიურ და ნაყოფიერ მუშაობას ეწეოდნენ ასევე მასწავლებლები: ტრიფონ ლამბაძე, გიორგი გუჯეჯიანი, ლავრენტი ხარშილაძე, სერგი მაჭარაშვილი, სპირიდონ აბულაძე და სხვები. ასევე მზრუნველები: სიმონ ხითარიშვილი, ოქროპირ ხარშილაძე.

1904 წლის 16 ნოემბერს მასწავლებელ ილარიონ მაჭარაშვილის ძალისხმევით სკოლა 2 კლასიანად გადაკეთდა, 1922-23 წლებში უმაღლეს დანყებით სასწავლებლად, 1926 წელს 7 წლიან შრომის სკოლად, ხოლო 1936 წელს მოხდა კიდევ უფრო სასიხარულო მოვლენა: კორბოულის არასრულმა საშუალო სკოლამ – საშუალო სკოლის სტატუსი მიიღო. აქედან მოყოლებული იგი უწყვეტად და წარმატებით ფუნქციონირებს დღეს უკვე საჯარო სკოლის სახელით.

საუკუნუნახევრის განმავლობაში ამ კერაზე მოღვაწეობდნენ სახელოვანი პედაგოგები, ჭეშმარიტად სახალხო მასწავლებლები, რომელთა ერთგულებით, შრომითა და რუდუნებით აღიზარდა არაერთი ღირსეული თაობა. ფასაუფაზი მათი ღვინი მომავალი თაობების წინაშე. ყველა მათგანის ჩამოთვლა არც ისე იოლი საქმეა (ვთხოვ მომიტეონ), მაგრამ შეუძლებელია არ დავასახელოთ პედაგოგები: ლიზა მაჭარაშვილი, ისაკი ტაბატაძე, ბეგლარ არჯევანიძე, სიმონ მაჭარაშვილი, ქეთევან მოსაშვილი, ყუყუნა კაპანაძე, არჩილ მაჭარაშვილი, ალიოშა ნოზაძე, მიხეილ ტაბატაძე, ანდრო მაჭარაშვილი, ქრისტინე ხარშილაძე, თამარ ხუროშვილი, ალიოშა მაჭარაშვილი, ნაზი მაჭარაშვილი, ნათელა ტაბატაძე, პეტრე გოგატიშვილი, საშა დარბაძე, მარიამ კულიჯანოვა, ნანი ლომიძე, შალვა მაჭარაშვილი, გიორგი (ჟორა) დარბაძე, აქვესენტი მაჭარაშვილი, ვალ-ოღია მაჭარაშვილი, იაშა მაჭარაშვილი, გერონტი ტალახაძე, თედო მაჭარაშვილი, გიორგი (ჟორა) არჯევანიძე, გულანკო კაპანაძე, ოთარ მაჭარაშვილი, ილია კვიციანიძე, მარიამ ქემერტელიძე, ვაჟა კაპანაძე, ეთერ გორგოძე, გერონტი ჩაჩანიძე, ვარა კაპანაძე, თამარ ნოზაძე, მამო დარბაძე, ქიონისა ტაბატაძე, მადონა ტაბატაძე, დალი ტაბატაძე, პეტრე ლაბაძე, ბეჟან ტაბატაძე, ბიძინა შუბითიძე, ვახტანგ მაჭარაშვილი, ქეთევან ნოზაძე, დიმიტრი (მიტუშა) კაპანაძე, შოთა კაპანაძე, ასმათ ქავთარაძე, ზანი გიგიაძე, ნუნუ შეყ-ლაშვილი, გურამ ლომიძე, ყუყუნა არჯევანიძე, ყუყუნა მენთეშაშვილი, ნესტან ლომიძე, ელზა შუბითიძე, ანზორი მაჭარაშვილი და სხვები.

კორბოულის სკოლას შეუძლია იამაყოს, რომ ყოველთვის უნარიანი და საქმის მცოდნე ხელმძღვანელები უდგნენ სათავეში, ალბათ ამასაცაა 150 წლის მანძილზე სკოლის წარმატების ერთ-ერთი საიდუმლო. საშუალო სკოლად გარდაქმნის (1936წ.) შემდეგ სკოლის დირექტორებად მუშაობდნენ:

- კაპანაძე ერასტი ილიას ძე (1936-1939 წწ.)
- მაჭარაშვილი ზაქრო არტემის ძე (1939 წ.)
- გუჯაბიძე ალექსანდრე პოლიანტის ძე (1939-40 წწ.)
- მაჭარაშვილი ვასილ ბესარიონის ძე (1940-1941 წწ.)
- ზარანდია ნექტარიოზი (1941 წ.)
- ნოზაძე პავლე დავითის ძე (1942-1944 წწ.)
- შუბითიძე პეტრე არსენის ძე (1944-1947 წწ.)
- ჩოჩელი ივანე (1947-1948 წწ.)
- ტაბატაძე გიორგი მაკარის ძე (1948-1950 წწ.)
- ცარციძე ივანე ილარიონის ძე (1951-1953 წწ.)
- მაჭარაშვილი ანდრო ივანეს ძე (1953-1957 წწ.)
- კაპანაძე სერგო სერაპიონის ძე (1957-1959 წწ.)
- დარბაძე ალექსანდრე (საშა) არჩილის ძე (1959-1963 წწ.)
- კაპანაძე სერგო სერაპიონის ძე (1963-73 წწ.)
- მაჭარაშვილი ანდრო სიმონის ძე (1973-1989 წწ.)

1989 წელს ანდრო სიმონის ძე მაჭარაშვილის პენსიაზე გასვლის შემდეგ, დირექტორად ამავე სკოლის აღზრდილი, ბეგლარ გიორგის ძე არჯევანიძე დაინიშნა, ნამდვილად გამორჩეული პიროვნება, რომელიც უკვე 33 წელია ღირსეულად აგრძელებს წინამორბედთა ტრადიციებს. საკმარისია აღინიშნოს, რომ მომავალი თაობების აღზრდა-განათლების საქმეში შეტანილი დიდი წვლილის, ნაყოფიერი პედაგოგიური და საზოგადოებრივი საქმიანობისათვის, ორჯერ დაჯილდოვდა ღირსების ორდენით 2001 და 2012 წლებში, ხოლო 2021 წელს საჩხერის საპატიო მოქალაქის წოდება მიენიჭა. ეს იყო განვლილი ათეული

წლების განმავლობაში სკოლის დირექტორად უწყვეტი და წარმატებული მუშაობის ერთ-გვარი შეჯამება.

2015 წელს გამოიცა საქართველოს განათლებისა და მეცნიერების მინისტრის ბრძანება, საჩხერის მუნიციპალიტეტის სოფელ კორბოულის №1 საჯარო სკოლისათვის საქართველოს დამსახურებული პედაგოგის, მეორე მსოფლიო ომის ვეტერანის, დიდი სამამულო ომის პირველი ხარისხის ორდენის, ხალხთა მეგობრობის ორდენის, საპატიო ნიშნის ორდენის, ღირსების ორდენისა და მრავალი საბრძოლო მედლის მფლობელის, 1949 წლიდან ამავე სკოლის მათემატიკის მასწავლებლის, თაობათა აღმზრდელის, ქრისტინე ხარშილაძის, სახელის მიენიჭების შესახებ, რასაც სკოლაში სპეციალური საზეიმო ღონისძიება მიეძღვნა. ამასთან დაკავშირებით გამოიცა წიგნი „ზნეობის გაკვეთილი“.

გრძელდება კვალი ნათელი, გრძელდება ტრადიცია. ქრისტინე ხარშილაძის სახელობის სსიპ-საჩხერის მუნიციპალიტეტის სოფ. კორბოულის №1 საჯარო სკოლის ხელმძღვანელთა და პედაგოგთა დღეს არსებული უძლიერესი გუნდი, კვლავაც საიმედო დასაყრდენია ქვეყნისათვის საუკეთესო მამულიშვილთა ღირსეული აღზრდისათვის: ავთანდილ მაჭარაშვილი, ვახტანგ კაპანაძე, იოსებ მაჭარაშვილი, გიორგი დეკანოიძე, როსტომ ფოფხაძე, გელა მაჭარაშვილი, გიორგი კუჭავა, ზანი ხარშილაძე, ელენე ბუგაინიშვილი, ბელა გომართელი, თინათინ გაჩეჩილაძე, სოფიო ზაქაშვილი, დარეჯან კაპანაძე, ნანა კაციტაძე, ზოია მაჭარაშვილი, ლია მაჭარაშვილი, მაკა მაჭარაშვილი, სოფო მასიურაძე, როზა პაპუკიშვილი, ასმათ კეკელიძე, დინა ხომასურიძე, ანგელინა ჯალაბაძე, მანანა აბრამიშვილი, სოფიო გომართელი, ელზა გაგნიძე, დარეჯან ლომიძე, ლალი სამხარაძე და მათთან ერთად ის კეთილშობილი ადამიანები, რომლებიც უზრუნველყოფენ ამ სასწავლო დანესებულების გამართულ ფუნქციონირებას.

ვუსურვოთ დღეგრძელობა და წარმატებები დიდებული წარსულის, ბრწყინვალე აწმყოსა და დიადი მომავლის მქონე იუბილარ სკოლას.



რეზა მაჭარაშვილი

### მათი ამაგი ღაუჭინყარია და თაობიდან თაობას გადაეხება

ფილოლოგიურ მეცნიერებათა დოქტორი, პროფესორი, გალაკტიონ ტაბიძის ძმისშვილი და მისი შემოქმედების მკვლევარი ნოდარ ტაბიძე წერდა: „ბედი სოფლისა მშობლის ბედს ჰგავს. მისი დიდება სახელოვან შვილებს მოაქვთ...“

სიამაყით უნდა ითქვას, რომ კორბოულის სკოლამ დაურწია აკვანი არაერთ აკადემიკოსს, მეცნიერებათა დოქტორს, სოციალისტური შრომის გმირს, საქართველოს სსრ უმაღლესი საბჭოს დეპუტატს, ლენინის ორდენოსანს (მათ შორის სამგზის), სამედიცინო, საინჟინრო-ტექნიკური და სოფლის მეურნეობის დარგის სპეციალისტს, განათლების, ხელოვნების, კულტურისა და სპორტის სფეროს თვალსაჩინო

წარმომადგენელს, მეზღვაურს, ბიზნესმენს, ჟურნალისტსა და საზოგადო მოღვაწეს, შინაგან საქმეთა და სახელმწიფო უშიშროების სამსახურის მუშაკს, სამშობლოს ღირსეულ და ერთგულ დამცველს, მამულისათვის გულანთებულ და გმირულად თავშენიერულ ვაჟკაცს, სამშობლოს მრავალი ჯილდოს მფლობელს, სასულიერო პირის.

კორბოულში აღიზარდნენ და ამ სკოლაში მიიღეს განათლება შემდეგში იმ ცნობილმა მეცნიერებმა, რომლებმაც დიდი სახელი და ავტორიტეტი შემატეს სკოლას და სოფელს\*. მათი სახეები მარად იბრწყინებს კორბოულის N 1 საჯარო სკოლის ისტორიაში:

პედაგოგიკის მეცნიერებათა დოქტორმა, პროფესორმა, აკადემიკოსმა, საქართველო-

\* თვალსაჩინოებისათვის დასახელებულნი არიან ძირითადად მეცნიერ-მუშაკები, რომელთაც დამთავრებული აქვთ სოფ. კორბოულის №1 საშუალო სკოლა. საუკუნუნახევრის მანძილზე ყველა სფეროში წარმატებული პირის ჩამოთვლა ალბათ შეუძლებელია, მიუხედავად მათი დიდი დამსახურებისა ჩვენი ქვეყნისა და ხალხის წინაშე.

